

antiquarische Bibliothek

~~5. 11. 21~~ EX BIBLIOTH.
NATIONIS HUNGAR.
VITEBERG.
M-54.
SIGNAT. 1515CCCXIII.

III
3. R.



cc) ~~xy~~

25

N^ew^e Z^eit^tung.

W^ar^e v^und g^ruⁿd^tlⁱ-
 c^he aⁿz^ei^gung v^und b^erⁱc^ht / iⁿ w^as
 g^es^talt / a^uch w^enⁿ / wⁱe v^und w^o / H^er^tz^og
 J^oh^anⁿ F^ri^ed^ri^ch / g^ew^eßⁿe^r C^hur-
 f^ur^st z^u S^ach^ss^en / v^on d^er R^om.
 K^eis. M^aie. n^eb^en H^er^tz^og W^o-
 rⁱtz z^u S^ach^ss^en z^c. a^m s^on-
 t^ag Mⁱs^erⁱc^or^dia Dⁿi d^er
 d^o w^as d^er xxiiij. t^ag
 A^prⁱl. E^rl^eg^t v^und
 g^ef^ang^en w^or-
 d^en i^st.

Anno Salutis

1 5 4 7.



Den Erbaren / Fürsichtigen / Ersamen vnd Weisen
herrs / Burgermeistern vnd Rath /
der Sadt Rottenburg auff der
Lauber / meinen gebieten
den vnd grosgunstigen
herrs.

Erbare / Fürsichtige / Ersame vnd Weise / grosgunstige vnd gebietende liebe herrn / ewern Erbarheit / sind meine schuldige / willige vnd freundliche dienste zuuor ic. Nach dem nun vierzehnen jar vorschienen / das ich erstlichen von meinem Vaterland Rottenburg auff der Lauber ausgezogen / bin ich doch in dieser zeit vielmalen vorhabens gewest / mich einmals gegen E. E. W. vnd berürtem meinem vaterland der gebür nach / danckbar zuerzeigen / hab aber dasselb bis hieher nie mit gutem fug zu wegen bringen mögen. Dieweil denn Gott der Allmechtige / der Römischen Keiserlichen Maiestat / vnserm allergnedigsten Herrn / beneben Hertzog Moritz zu Sachssen / Kürzlich wider der selbigen widerwertigen vngheorsamen Rebellen / so vnuersehenliche vnd glückliche überwindung gegeben vnd verliehen hat. Vnd aber ich geacht / das derhalben viel vnd mancherley

cherley ausgeschrieben vnd fürgeben werden / deren
 denn ich auch selbst etliche (doch gemeiniglich nicht
 vberlein lautend) antreffen / das ich hierin gnugsame
 reitzung vnd vrsach hab / mich hiemit gegen E. E. W.
 vñ bemeltem meinem vaterland zu erzeigen / Das ich
 aber mit solchem so lang verzogen / ist die vrsach ge-
 west / das ich zuuor / ehe den ich euch was zusende / auff
 entliche warheit vnd grund der beschehenē handlung
 (meines vermügens) keme / Den die drey Nationes /
 Deutsche / Hispanier / vñ Hussern / sind bisher des an-
 griffs halbē in zwitteracht gestandē / hat zuletzt die Rei.
 Mai. den gefangenen Hertzog Johann Friderichen /
 etwa gewesnen Churfürsten zu Sachsen lassen befra-
 gen / welchem er sich doch im ersten angriff ergebē ha-
 be / antwort er / dem Deutschen Edelman / Thil von
 Trott / dem er seine ring überantwort hab. Die weil
 ich den bey diesem der Rei. Mai. glücklichen sieg selbst
 gewesen / den meistentheil augenscheinlich gesehen /
 zum theil auch von andern ansehenlichen / warhafftigen
 vnd vertrauten personen / neben anwendung mei-
 nes höchsten fleis / die warheit gründlich zuerkunden /
 weiter bericht bin worden / Als ich den in diesem fall /
 niemād / weder zu lieb noch zu leid / sondern allein die
 rechte vñnd gründliche warheit / wie sich das an im
 selbst begeben hat / angezeigt vñ beschrieben / wil mich
 hiemit gegen menniglich aller gefahr entschuldigt ha-
 ben. Oberschick derhalben E. E. W. hiemit diese
 meine geringe gab / freundlich / dienstlich bittend /
 E. E. W. woll hierinnen mein wolmeinenden wil-
 N ü len /



len mehr / denn diese gab ansehen / vnd mich daneben
für den erkennen / der E. E. W. vnd benantem Da-
terland / von dem mir guts beschehen / auch noch kunff-
tig gewertig bin / gern in einem mehrern vnd grössern
dienen wolt / Mich hiemit E. E. W. gantz vnder-
thenig beuehlende / Datum den xij Maij /

In der Keiserlichen Maiestat Feld-
leger vor Wittenberg / Anno
Christi / M. D. Lviij.

E. E. W.

Williger

Hans Bawman von Rottenburgk
auff der Tauber Buchdrucker ge-
sell, itzo des Durchleuchtigen Hoch-
gebornen Fürsten vnd Herrn, herrn
Ferdinandē, Hertzog zu Alba, Marg-
graff zu Coria, Graff zu salua ter-
ra etc. Römischer Keiserlicher Mai.
Grosshoffmeister, Stadthalter vnd
Oberster Feldheuptman, Seiner F.
G. Diener vnd Trabant.

Röm. Kaiser. Maie-
stat/ vnd Hertzog Moritzen zu
Sachsen etc. Victori vnd überwin-
dung / wider Hertzog Johann Fried-
richen / etwa Churfürst zu
Sachsen/ gründlicher
bericht.



Es die Römische
Kaiserliche vnd Königli-
che Maie. sampt Hertzog
Moritzen zu Sachsen /
vnd seiner **F. S.** bruder/
Hertzog Augusto / vnd
allem Kriegsvolcke / zu
Rosa vnd Fus / auff den
sonntag/ Misericord. Do-
mini/ den xxiiij. Aprilis / aus irem Feldtleger / bey der
Gana zwischen Lummitsch vnd Mügeln zu morgens
verruckt / Der Feind aber den tag zuuor / von Weis-
sen / do er sich denn zu seinem vorteil ein zeitlang gela-
gert vñ vorgrabē / aus forcht vñ schrecken gezogen / vñ
die brucken über die Elb hinter im abgebrandt / auff
das Er / von der Kei. Mai. nicht übereilt solt werden /
wiewol ire Mai. den weg / dem gemeinē gschrey nach /
M ij nicht



nicht auff die stad Weissen zugenomen / Sondern dies
weil der ehgemelte Feind / eilends die stad Weissen hat
müssen verlassen / vñ an der Elbe hinab gehn Wülberg
gezogen / vñ die Schiffbrücken / in der nacht zuvor da-
hin geschickt / Als ist der Kei. Waie. meinung vnd ge-
müt gewesen / das Nachtlager bey Strelen zu haben /
vnd nachmals den Feind ferner zu suchen.

Wie man nu das Lager geschlagen / haben etliche
der vnsern / bis an den Elb strom / gestreift / vñ verno-
men / das sich der Feind / am andern vfer der Elb / do
Wülberg gelegē / habe hören lassen / auch mit halbē Ha-
cken / die vnsern vñ sie / zu samen geschossen / auch ist vn-
ser Vorzug nicht fern von danen / sampt dem gewalti-
gē hauffen / bald hernach komen / Welches den dem fein-
de / Hertzog Johan Friederich / der eben zu der selben
zeit predigt gehört hat / so gar frembd gewesen / das er
vnser ankunfft / erstlich nicht glaubē hat wöllen / Son-
dern vns nur für ein gsamlet vorlauffēt volck geacht /
Haben gleichwol zu jnen mit geringem Feldgeschütz
auch geschossen / sie auch etliche schüß zu vns / (Gott
lob) one schaden / aus Wülberg gethan.

Nach deme aber die Hussaren noch neher zum
Feinde sind kommen / auch die Spanischen hacken-
schützen / die im vorzug waren / das Wasser erreicht /
so haben sie dermassen / über das Wasser zu samen ge-
schossen / das die Feind jr Bestad vnd Schiffbrücken /
haben müssen verlassen / vñnd dem Sedtlin zu geeilt /
in

in dem hat Keis. Maie. auch etliche Feldtgeschos an
 das wasser bracht/do hat sich der Feind von Sachsen/
 nicht ein wenig entsetzt/ ist eilends zu Raht worden/
 Siweil er des Thumshirn / der jm die Behemen
 solt zufüren/ wartet/ vnd des Keisers vnuersehen an-
 kunfft/nicht vermeint hette / vnd folgendts auff Tor-
 gaw/vñ in die festungen Wittenberg zu ziehen/geei-
 let/darauff er von stundan/den Tross sampt dem ge-
 schütz / vñnd etlichem Fußvolck vorhin geschickt/
 Denn er nicht mehr/ denn zehen Henlin/vñnd sieben
 geschwader Reutter damals starck gewesen.

In dem haben sich etliche Spanier nackent aus-
 gezogen / vñnd ire Rappier inn die Weuler genom-
 men/vñnd hinüber geschwommen/vñnd die brennen-
 de schiffbrucken auffgehalten / welche der Churfürst
 zuuor zu verbrennen befolhen hatte / mit diesem hat
 ein Spanier den andern hinüber gefürt / der Feind
 aber/hat sich mit dem andern theil der Reifigen/ vñnd
 den bas auff zuhalten / vnterstanden/ vnd den seinen
 desto mehr raum zum abzug gegeben/vñ noch ein lan-
 ge zeit/daselbst verharret/Haben sich aber darnach die
 seinen/vñnsere Hackenschützen/ an irem gestad/ nicht
 mehr sehen lassen/ derhalbē die vnsern verursacht wor-
 den sind/sonderlich die Spanier/deren etliche/ ehe der
 Furt erfunden ward/einzelicher weise/in das wasser
 gesetzt/ extruncken/ doch kamen etliche hinüber/ des
 Feinds gelegenheit zu erkündigen/ Als aber dieselben
 wider herüber kamen / vnd von der Feinde abzug ei-
 gentlich

gentlich kundtschafft / auch einen gefangnen / Hertzog
Ernsts von Braunschweigs Reittschmidt / mit sich
brachten.

In des hat hochgedachte Keiserliche Maie. einen
jungen Bawrs mann antreffen / welcher einen Furt
durch das wasser gewust vnd angezeigt. Darauff ire
Maie. etliche Pferd von Deutschen / Spaniern vnd
Gusseren / ordenirt / vnd den angezeigten Furt / bereit
ten vnd besichtigen lassen / Vnd darnach bis in tausent
Pferd über die Elb gschickt / die sich von stundā / irem
brauch nach / auff alle ort geteilt / Aber kurtzlich von
den Feinden wider an das Wasser geiagt worden /
welche feinde nicht am Furt des wassers gehalten ha-
ben / sondern hinter dem Stedlin Mülberg.

Nach dem sie nun die vnsern wider an das Was-
ser getrieben / sind sie bey dem wasser nicht blieben /
sondern von stundan / widerumb fern von dannen ge-
ruckt / Also ist den vnsern zeit vnd weil gegeben wor-
den / sich zusamen zu halten / vnd mit jnen zu Schar-
mützeln / aus welchem gefolgt / das die vnsern / desto
mehr behertzer vnd freudiger / aber die feind erschro-
ckner vnd verzagter wurden. In dem haben sich die
Feind gar von dem wasser begeben / vnd den vnsern
gewichen / vnd sich also aus irem vortheil / denen sie
einer höhe halber des ortho / gehabt / aus verzagung
treiben lassen.

Aber das ist eine straff Gottes / welche die färs-
nemsten

nemsten heupter / wenn sie Gott straffen vnd ernidri-
gen wil / zuuor also verstockt / Das sie iren vortheil
nicht ersehen / ire macht vnd sterck nicht brauchen kön-
nen / sonder werden mit sehenden augen blindt.

Nach dem denn die Keis. Maie. gesehen / das die vn-
sern das gestad / jenseid des wassers in hielten / vn ver-
nommen / das Hertzog Hans Fridrich im abzug were /
Ist ire Maie. auff fleissig vnterthenigs anhalten vnd
bit Hertzog Moritzen zu Sachssen / zu Rath worden /
(gleichwol wider irer Maie. vieler vornemsten Rethen
willen) die Hussern vnd geringe Pferd / sampt Her-
zog Moritzen vnd allen seinen Reutern samptlich
durch das wasser / in einer schlachtordnung / ziehen las-
sen / vnd folgendes mit der Kön. Maie. vnd irem übrige-
nem Keisigen zeug nachgedruckt / vnd dem Feinde
nachgeeilet. Also kam in Kurtzer zeit / der gantz Keisi-
ge zeug über das wasser.

Mittler weil hat man nicht vnterlassen / ein schiff-
brucken / über die Elb zu schlagen / damit das fusvolck
auch möcht hinüber kommen / Aber die Keiser. Maie.
hat der selben / noch des geschütz / nicht erwarten wöl-
len / sonder mit dem Keisige zeug / auff eilends / per-
sonlich durch den Furt der Elb gezogen / vnd was
man an den Pferden hat gehabt mögen / fort geru-
cket / Wiewol Hertzog Moritz ein vertraute ansehen-
liche person mit einem Trometer / Hertzog Hanns
Friedrichen nachgeschickt / vnd in vermanen lassen /
weil er sehe / wie die sachen gelegen / vnd das ers nicht
gut hette / were seiner K. S. Rath / wiewol ers vmb

B jnen



inen nicht verdient/das er sich der Rei. Wate. ergebe/
den sein H. S. verhoffte/er solt gnad erlāgen/Darzu
er auch trewlich fördern wolte / aber Hertzog Hans
Fridrich hat dem nicht verfolgt/sonder dem gesandte
gsagt/es weren wort damit man Francke solte tröstē/
vñ den gesanten ein zeitlang bey sich behaltē/vñ ist vn-
langes darnach der Trometer erschossen wordē/ der ge-
sandte mit not dauon kōmen. Aber in solcher eil vñ
nachziehen/ sind die Feind drey meil/von dem ort/do
man über dz wasser kōmen/vō vnserm vorzug erreicht
vñ bestat wordē/ Neben einē wald/ die Locherheid ge-
nāt/aldo sie jr ordnung gmacht/also dz die fusknecht/
das holtz im vortheil/an der seittē den Reisigen zeug/
aber die spiesser vñ schütze auff der andern seittē ghabt/
zu welchen man beseits eines gemōss vñ bösen graben
halbē nicht wol kōmen mögen/aber der Trose vñ ge-
schütz war schon forhin/Also / das sie eben als wenig
vortheil des grossen geschütz halben hetten als wir.

Als nun die Rei. Wai. mit jrē hauffen den vorzug
erreicht/vñ der Reisige zeug aller zusamē kam/ward
den Hussaren vñ geringen pferdē befolhē/ vor der fein-
de ordnung hin/ auff die fusknecht zu reñen/ vñ diesel-
ben anzugreifen. G. Woritz aber solt mit seinē Reuz-
tern inen nach/auff die Reisigē fort druckē/welchem
also geschach/vñ schossen der feinde schütze zu Ross vñ
fuss auff die vnsern ab/ doch one einiges weichen oder
zertrennung/nach welchem abschiesßen / setzt der tewre
Fürst Hertzog Woritz (als einē ehrliebendē Krigsmān
wol ziemet) mit seiner vorwart/ vñ zweien schützen
fanen

fanen personlich / Auch seiner K. G. bruder / Hertzog
 Augustus / eigener person / in der feinde schützen / Nach
 dem aber die feinde abgeschossen hetten / vñ nicht gleich
 wider zu schiessen gefasst waren / ward folgents durch
 Hertzog Moritz gewaltigen hauffen angegriffen / vñ
 ettlich vom Adel durch K. G. eigene hand geschla-
 gen vñ gefangen / Aber der Feinde Reutter haben sich
 mit ersten / vñ zeitlich in die flucht gegeben / vñ durch
 irer eigener fusoknecht ordnung gedrungen vñ zertrēt /
 Derhalbē nach langem scharmützel habē sich die Kusa
 Knecht auch in die flucht geben müssen / denn die Husse
 ren vñ geringe pferde waren jnen auff dem hals / vñ
 hiebens erbermlich darnider / also / das der Kusknecht
 der mehrer theil sind erschlagen wordē / Aber für der
 Locherheide ist die niderlag geschehen / bey Kosdorff
 dem Dorff angefangē / vñ ist erfolgt bis gen Falcken-
 burg vñ Beyersdorff / welchs vor der Locherheid ist /
 der Reisigē sind nicht vil auff dem angriffplatz umb-
 kōmen / aber im nacheilē / welchs bis in die nacht gewe-
 ret hat / ist der mehrer teil erwürgt vñ gefangen wor-
 den. Der Tross / Geschütz / Santeley / Credentz Sil-
 ber des von Sachssen / vñ anderer mechtigen herren
 Wegen / darauff man viel geldts vñ guts gefunden /
 hat man im holtz ereilet vñ geplündert / vñ ist in sol-
 cher niderlag der Feinde bey drey tausent / der vnsern
 aber vber fünfzig nicht tod blieben. Aber die Husseren
 vñ Spanier haben sich bey der Beut nicht geseumt.

Aber nicht fern von der niderlag / neben einem
 Holtz der Schweinart genant / haben ettliche den ge-
 wesnen

B ü

wesnen

wesnen Churfürsten angetroffen / vnd ein jglicher ge-
wölt / er sol sein gefangener sein / nemlich / die Deut-
schen / Spanier vnd Hussaren / Aber Er / mit wenig
der seinen / sich in gegenwer gesetzt / manlich vnd dapf-
fer gewert (darüber Er auch eine Wunden in lincken
backen empfangen hat) vñ gesprochen / Ich wil mich
Keinem gefangen geben / denn den Deutschen / Vñ sich
einem jungē Deutschen Edelma / Thil von Trod ge-
nant / vnter Hertzog Moritzen Reutern gelegen / sich
ergeben / vñ demselben Deutschen Edelma / zum war-
zeichen vnd gezeugnis / zween seiner eigener Ringe / so
Er desmals an der hand gehabt / zugstelt / welches Er
hernach selbs bekent hat / Die weil aber bissher diese
drey Nationes inn zwispaltung gewesen sind / hab ich
so lang dis nicht wollen lassen ausgehen / bis zu rech-
ter vrkund der warheit kōmen ist / Das der gewesne
Churfürst selber frey öffentlich bekant / er sey des Thi-
le von Trodt gefangener / zum warzeichen hab er im
seine Ring überantwortet .

Aber die Neapolitanische Reutter haben in ge-
nommen / vñ zu dem Obersten Feldhauptman / als mei-
nem gnedigsten Fürsten vñ Herrn / Herrn Ferdinan-
den / Hertzog zu Alba etc. gefurt / welches sein Fürst-
liche gnad als bald der Römischen Keis. Maiest. kund
gethan hat / Darauff ire Mai. befolhen / gedachten
gefangenen Fürsten / für jr Keis. Maiest. zubringen /
welchs aber sein durchlauchtigkeit / als obgemelt / Her-
zog von Alba etc. der Rō. Kei. Mai. zum drittenmal
abgeschlagen hat / vnd ire Mai. dafür gebeten / vnd für
gewent

gewent/ jre Mai. möchte sich etwan in der ersten hitz
vnd zorn/ etwas vngnedigers gegen disem gefangnen
erzeigen/ Als aber die Rö. Kei. Mai. solchs je hat ha-
ben wollen/ ist Er zu letzt für die Kei. Mai. gebracht
worden / Aber der gefangene Fürst redet vnter we-
gen gantz erbermlich mit einem grossen seuffzen vnd
augenblick gen himel / Miserere mei Domine, nos su-
mus iam hic, Ach Gott erbarme dich mein/ wir sind
itzund hie.

Als Er nun zu der Kei. Mai. nahet/ sprach er/ Al-
lergenedigster Keiser (in dem felt jm die Kei. Mai. in
die red/ Ja/ ja/ bin ich nun genediger Keiser) sprach
der gefangene Fürst/ ich bin ewer Röm. Keis. Mai.
gefangener / bitt ewer Keis. Mai. vmb ein Fürstlich
gefengnus. Die Kei. Mai. antwort/ Ja/ wie jr ver-
dient habt/ furt in hin/ wir wissen vns wol zuhalten.

Die Königliche Mai. redet in was hitzigers an/
fürwerffende/ Er hab In vnd seine Kinder veriagen
vñ in armut bringen wollen/ Ir seid ein feiner man.

Darnach ist gedachter von Sachssen/ sampt Her-
zog Ernst von Brubenhagen/ der auch mit jm gefan-
gen worden/ dem Meister de Campo/ überantwort/
vnd jm zugelassen/ nach ettlichen seinen dienern/ die
er begert / nach Wittenberg zuschreiben/ die auch zu
jm komen sind/ vnd sein warten.

Er wird in seinem Wagen/ des er sich zuvor ge-
braucht hat/ Kei. Maie. nach gefurt/ vnd mit Spani-
schen hackenschützen verwart / vnd auff das beste ge-
halten vnd tractiret/ so man haben mag.

B ij

Seiner

Seiner Söne einer / Hertzog Hans Friederich der
ander / ist auch in der niderlag verwunt worden / aber
daruon kōmen / Sonst sind viel trefflicher Leute ge-
fangen worden / als / Hertzog Ernst von Brubenhaz-
gen / drey Graffen von Gleichen / ein junger Graffe
von Beuchlingen / ein Reusse von Plawen / ein Oster-
reichischer Herr von Polhem / Jobst vom Hain ge-
wesner Cantzler / Georg Soldacker / der Jegermeie-
ster vnd andre Heuptleute vnd Ritmeister / Secreta-
rien vnd viel vom Adel. Die Reuter vnd Knechte ge-
meiniglich so gefangen wordē / haben sich beklagt / das
sie übel verfürd worden / vnd das man inen von des
Keisers ankunfft nichts gesagt / sondern solches zum
fleissigsten verborgen / vnd aus dem sin geredt. So hat
sich Hertzog Hans Friederich gegen einem / kurtz zu-
vor ehe Er gefangen / beklagt / das Er von den Behe-
men übel betrogen were. Vnd hat sie hernach

ettlich mal die vntrewen Behe-
men gescholten / aber im ist zur antwort worden / er
selbs hette sie vntrew gemacht.

Der von Beuchlingen vnd Reckerod der Huf-
knecht Oberste / vnd andere grosse Hanssen / sind nicht
die letzten gewest zu fliehen / vñ daruon kōmen / Mit
welchen jr herr / Hertzog Hans Friederich / den sie in
solcher not verlassen haben / nicht wol zu frieden ist.

Aber die Röm. Kei. Mai. nach dem eröberten
sieg (Got sey lob) ist wider hinder sich vber das wasser
gezogen / aber erst gegen dem tag / ins leger ankomen /
vnd

3
vnd ist also zwoen tag still gelegen / damit das volck
vnd pferd / das gar müd was / wider ruhen möchte.

Wittler zeit hat die Röm. Kei. Mai. alle gefan-
gene verwundte Kriegsleut der feinde / in irer Maiest.
Leger passieren / vnd sie also verbinden / flicken /
vnd artzneyen lassen / deren ich selbs bey dritthalbhun-
dert gesehen hab / vnd nachmals den xxvj tag Aprilis
inen ein Fenlin / irer Mai. Kriegsknecht zugeben / etz-
liche meilen beleiten vnd versichern / vnd wo Gott
ein jeglichen hin verfüg ziehen lassen.

Der Allmechtige Gott schicke alle sachen zu sei-
ner Göttlichen ehre / vnd zunemung seines Göttliche
worts / auch zu warer auffrichtigung beständigen fri-
dens vnd Rechtens / im heiligen Reich / zu guter ord-
nung vnd pollice / ruhe / einigkeit / vnd besserem ge-
horsam / zucht vnd wesen / denn es eine zeit her in disen
landen gestanden ist / Amen. Hans Bawman.

Datum / den xij. tag Maij / Aus Kei. Mai.
Feldleger / vor Wittemberg.

Anno Domini
M. D. XLVII.

Gott / erlös die gefangene.

Gedruckt zu Leipzig durch
Valentin Bapst.

Faint, illegible text, likely bleed-through from the reverse side of the page. The text is arranged in several lines and is mostly obscured by the texture and color of the aged paper.



Lang VI 54

ULB Halle

3

003 896 110




56a



...phibere amon...
...no. for. mura. hanc ungo. ut.
...ad. ad. ad. & camp. hanc camp.
...camp. ut. xxij. d. v. ut. me.
...am. hanc. ad. ad. amon.
...hanc. hanc. ut. xxij. d. v. ut.
...d. v. d. v. d. v. d. v. d. v. d.


...ad. amon. ut. ad. ad. ad.
...phibere amon. ut. ad. ad. ad.
...ad. amon. ut. ad. ad. ad.
...ad. amon. ut. ad. ad. ad.
...ad. amon. ut. ad. ad. ad.
...ad. amon. ut. ad. ad. ad.
...ad. amon. ut. ad. ad. ad.
...ad. amon. ut. ad. ad. ad.
...ad. amon. ut. ad. ad. ad.
...ad. amon. ut. ad. ad. ad.

¶ he. ce. lo. re. i. g. ro. b. n.
...ad. ad. ad. ad. ad. ad. ad.
...ad. ad. ad. ad. ad. ad. ad.
...ad. ad. ad. ad. ad. ad. ad.
...ad. ad. ad. ad. ad. ad. ad.
...ad. ad. ad. ad. ad. ad. ad.
...ad. ad. ad. ad. ad. ad. ad.
...ad. ad. ad. ad. ad. ad. ad.
...ad. ad. ad. ad. ad. ad. ad.
...ad. ad. ad. ad. ad. ad. ad.
...ad. ad. ad. ad. ad. ad. ad.



B.I.G.

Farbkarte #13

cc) 
25

Neue Zeitung.

Ware vnd gründtliche
anzeigung vnd bericht / in was
gestalt / auch wenn / wie vnd wo / Hertzog
Johann Friedrich / gewesener Chur-
fürst zu Sachsen / von der Röm.
Keis. Maie. neben Hertzog Mor-
ritz zu Sachsen etc. am son-
tag Misericordia Dñi der
do was der xxiiij. tag
April. Erlegt vnd
gefangen wor-
den ist.

Anno Salutis

1547.

